

I. DISPOSICIÓNS XERAIS

CONSELLERÍA DE ECONOMÍA E FACENDA

Orde do 27 de febreiro de 2009 pola que se modifica o modelo de declaración complementaria da taxa por servizos profesionais, polas inspeccións e controis sanitarios oficiais de carnes frescas e carnes de coello e caza.

A Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, recolle no seu anexo 2, entre outras, as tarifas aplicables pola taxa por servizos profesionais, modalidade administrativo-facultativa nas inspeccións e controis sanitarios oficiais de carnes frescas e carnes de coello e caza, tarifas axustadas á normativa comunitaria, en concreto ao Regulamento (CE) nº 882/2004, do Parlamento europeo e do Consello, do 29 de abril de 2004, sobre os controis oficiais efectuados para garantir a verificación do cumprimento da lexislación en materia de pensos e alimentos e a normativa sobre saúde animal e benestar dos animais.

A Lei de orzamentos xerais da Comunidade Autónoma de Galicia para o ano 2009, modificou, en consonancia coa normativa que se aplica nas distintas comunidades autónomas do estado español, mediante o seu artigo 57, as tarifas xa referidas consonte co disposto no Regulamento (CE) nº 882/2004.

O Decreto 61/2005, do 7 de abril, polo que se ditan as normas para a aplicación das taxas e prezos da Comunidade Autónoma de Galicia, establece a obriga de autoliquidación das taxas e o artigo 2 da orde da Consellería de Economía e Facenda do 30 de xuño de 1992, pola que se aproba o modelo de autoliquidación das taxas da Comunidade Autónoma de Galicia e se establece a utilización de efectos timbrados para o pagamento das taxas por servizos administrativos de compulsa de documentos e de verificación de suficiencia e documentos acreditativos de lexitimación, dispón que os suxeitos pasivos das tarifas sinaladas teñen a obriga de presentar e ingresar a autoliquidación correspondente polas actuacións habidas en cada un dos trimestres naturais do ano nos vinte primeiros días naturais seguintes á finalización de cada trimestre, e xunto coa autoliquidación deberán presentar unha declaración complementaria debidamente cuberta, que se axustará ao modelo establecido no anexo II da citada orde.

A modificación das tarifas fai necesaria, polo tanto, a adaptación do modelo sinalado á nova estrutura tarifaria.

Por ese motivo, e no uso das facultades conferidas pola disposición adicional do Decreto 61/2005, do 7 de abril, previamente citado

DISPOÑO:

Artigo único.-Modificación do modelo de declaración complementaria da taxa por servizos profesionais, polas inspeccións e controis sanitarios oficiais de carnes frescas e carnes de coello e caza.

Modifícase o modelo de declaración complementaria da taxa por servizos profesionais polas inspeccións e controis sanitarios oficiais de carnes frescas e carnes de coello e caza contido no anexo II da orde da Consellería de Economía e Facenda do 30 de xuño de 1992, pola que se aproba o modelo de autoliquidación das taxas da Comunidade Autónoma de Galicia e se establece a utilización de efectos timbrados para o pagamento das taxas por servizos administrativos de compulsa de documentos e de verificación de suficiencia e documentos acreditativos de lexitimación, quedando substituído polo modelo que figura no anexo desta orde.

Disposición transitoria

O modelo de declaración complementaria que se substitúe por esta orde seguirá tendo vixencia para o cumprimento das obrigas tributarias referidas ás actuacións gravadas que se realicen ata a fin do ano 2008, debendo ser empregado en consecuencia, xunto coas autoliquidacións que se refiran aos feitos imposibles acaecidos con anterioridade ao 1 de xaneiro de 2009.

Disposición derradeira

Esta orde entrará en vigor o día seguinte ao da súa publicación. No entanto, o modelo que figura no anexo desta orde deberá empregarse a partir do 1 de abril de 2009 e presentarse conxuntamente coas autoliquidacións que se refiran aos feitos imposibles realizados desde o 1 de xaneiro de 2009.

Santiago de Compostela, 27 de febreiro de 2009.

José Ramón Fernández Antonio
Conselleiro de Economía e Facenda

ANEXO

**• INSPECCIÓN E CONTROL SANITARIO OFICIAL DE CARNES FRESCAS E CARNES DE COELLO E
CAZA • DECLARACIÓN COMPLEMENTARIA**

| | | | | |
|---------|-----------|-----|---|------|
| PERÍODO | Trimestre | ANO | Nº Autoliquidación á que corresponde esta declaración | A- |
| | | | Recoñecemento do beneficio fiscal rogado | Nº |
| | | | | Data |

1. IDENTIFICACIÓN DA EMPRESA

| | |
|----------------------|---------------|
| Nome ou razón social | NIF/CIF |
| Domicilio | Código Postal |
| Concello | Provincia |

2. CÁLCULO DA TAXA

| 2.1 SACRIFICIO DE ANIMAIS | | | | |
|---|---|------------------------|----------------------------|-----------------|
| Especie | | Unidades | Tipo de gravame (€/animal) | Cota tributaria |
| Carne de vacún | Vacúns pesados (máis de 24 meses) | | | |
| | Vacúns xóvenes (de 24 meses ou menos) | | | |
| Solípedos-équidos | | | | |
| Carne de porcino | Animais de 25 ou máis kg de peso por canal | | | |
| | Animais de menos de 25 kg de peso por canal | | | |
| Carne de ovino, caprino e outros ruminantes | Animais de 12 kg ou máis de peso por canal | | | |
| | Animais de menos de 12 kg de peso por canal | | | |
| Subtotal | | | | a |
| Carne de aves e coellos | Ratites | | | |
| | Aves do xénero Gallus e pintadas | | | |
| | Patos e ocas | | | |
| | Pavos | | | |
| | Coello de granxa | | | |
| Subtotal | | | | b |
| Total sacrificio de animais (a+b) | | | | 01 |
| 2.1.1. DEDUCIÓNS | | | | |
| - Deducións por sistemas de autocontrol avaliados : 35% da cota | | | | 02A |
| - Deducións por actividade planificada e estable:((02.B.1+02.B.2 (a que proceda das 4)) | | | | 02B |
| - Sistema de planificación e programación: 15% da cota | | | | 02.B.1 |
| - Horario laboral regular e diúrno: 15% de a | | | | 02.B.2 |
| - Horario laboral regular e diúrno: 5% de b | | | | 02.B.2 |
| - Horario regular da Administración: 20% de a | | | | 02.B.2 |
| - Horario regular da Administración: 5% de b | | | | 02.B.2 |
| - Deducións pola inspección ante-mortem na explotación: 10% da cota | | | | 02C |
| - Deducións pola aplicación de medidas de protección do benestar animal: 5% da cota | | | | 02D |
| Total deducións (02A+02B+02C+02D) | | | | 02 |
| Total sacrificio de animais (01-02) | | | | 03 |
| 2.2 OPERACIÓNS DE DESPEZAMENTO | | | | |
| Especie | Tm. | Tipo de gravame (€/Tm) | Cota tributaria | |
| Vacún, solípedos-équidos, porcino, ovino, caprino e outros ruminantes | | | | |
| Aves e coellos de granxa | | | | |
| Caza silvestre e de cría: | | | | |
| | - caza menor de pluma e pelo | | | |
| | - ratites (avestruz, emú, fiandú) | | | |
| | - verróns e ruminantes | | | |
| Total operacións despezoamento | | | | 04 |

| | | | |
|--|----------|----------------------------|-----------------|
| 2.2.1. DEDUCIÓNS | | | |
| - Deducións por sistemas de autocontrol implantados e avaliados : 50% da cota | | | 05 |
| Total deducións | | | 05 |
| Total operacións despezamento (04-05) | | | 06 |
| 2.3 OPERACIÓN NAS INSTALACIÓN DE TRANSFORMACIÓN DE CAZA | | | |
| Especie | Unidades | Tipo de gravame (€/animal) | Cota tributaria |
| Caza menor de pluma | | | |
| Caza menor de pelo | | | |
| Ratites | | | |
| Subtotal | | | c |
| Mamíferos terrestres: | | | |
| - verróns | | | |
| - ruminantes | | | |
| Subtotal | | | d |
| Total operacións caza (c+d) | | | 07 |
| 2.3.1. DEDUCIÓNS | | | |
| - Deducións por sistemas de autocontrol avaliados : 35% da cota | | | 08A |
| - Deducións por actividade planificada e estable: ((08B.1+08B.2 (a que proceda das 4)) | | | 08B |
| - Sistema de planificación e programa: 15% | | | 08B.1 |
| - Horario laboral regular e diúrno: 15% de d | | | 08B.2 |
| - Horario laboral regular e diúrno: 5% de c | | | 08B.2 |
| - Horario regular da Administración: 20% de d | | | 08B.2 |
| - Horario regular da Administración: 5% de c | | | 08B.2 |
| - Deducións pola inspección ante-mortem na explotación:: 10% da cota | | | 08C |
| - Deducións pola aplicación de medidas de protección do benestar animal: 5% da cota | | | 08D |
| Total deducións (08A+08B+08C+08D) | | | 08 |
| Total operacións caza (07-08) | | | 09 |
| TOTAL COTA TRIBUTARIA (suma castas 03+06+09) | | | 10 |
| A INGRESAR | | | |

Orde do 27 de febreiro de 2009 pola que se regula a presentación e o pagamento telemático dos tributos sobre o xogo realizado en bingos.

A Lei 21/2001, do 27 de decembro, pola que se regulan as medidas fiscais e administrativas do novo sistema de financiamento das comunidades autónomas de réxime común e cidades con estatuto de autonomía, no seu artigo 42 establece o alcance das competencias normativas que poden asumir as comunidades autónomas respecto aos tributos sobre o xogo e, en concreto, no seu punto 1 establece que aquelas poderán asumir competencias normativas sobre exencións, base imponible, tipos de gravame e cotas fixas, bonificacións e devengo e, por outra banda, no seu punto 2 sinala que as referidas comunidades autónomas tamén poderán regular os aspectos de xestión, liquidación, recadación e inspección. Estas competencias foron asumidas pola nosa comunidade en virtude da Lei 18/2002, do 1 de xullo, de modificación do réxime de cesión de tributos do Estado á Comunidade Autónoma de Galicia.

Xa no sistema de financiamento anterior podían as comunidades autónomas asumir competencias normativas respecto dos tributos sobre o xogo, que abrangían entre outras os aspectos de xestión, liquidación, recadación e inspección, competencias que foran asumidas pola Comunidade Autónoma de Galicia mediante a Lei 32/1997, do 4 de agosto, de

modificación do réxime de cesión de tributos do Estado á Comunidade Autónoma de Galicia.

En virtude desta normativa, aprobouse mediante a Orde do 27 de novembro de 2001 pola que se desenvolve o regulamento do imposto sobre a contaminación atmosférica e se aproban os diferentes modelos de declaración e de declaración-liquidación, así como os documentos de ingreso en euros que se utilizarán para a xestión de tributos propios e cedidos na Comunidade Autónoma de Galicia o modelo 043 de declaración e solicitude de liquidación da taxa fiscal sobre o xogo realizado en bingos de uso obrigatorio na Comunidade Autónoma de Galicia.

A lei 7/1991, do 19 de xuño, de tributación sobre o xogo, creou o imposto sobre o xogo de bingo, que grava a participación no xogo do bingo nos locais autorizados, lei que foi desenvolvida polo Decreto 247/1991, do 4 de xullo, polo que se aproban as normas de xestión dos tributos creados pola Lei 7/1991, do 19 de xuño, de tributación sobre o xogo, e que establece a obriga do suxeito pasivo substituto do contribuínte de presentar declaración-liquidación e efectuar o ingreso correspondente, con carácter previo á subministración dos cartóns solicitados para o desenvolvemento do xogo do bingo. A disposición adicional deste decreto autoriza o conselleiro competente na materia de facenda para ditar cantas disposicións sexan necesarias para a súa aplicación.